

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Schatzbehälter der wahren Reichtümer des Heils**

**Fridolin, Stephan**

**[Nürnberg], 1491**

Von der erledigung des volcks israhels

[urn:nbn:de:bsz:31-130913](https://nbn-resolving.org/urn:nbn:de:bsz:31-130913)

## Von der erledigung des volcks israhels

Die sechsvndfünfftzigste figur. gehört zu dem neunvndvierzigtstem vnd zu dem hernachfolgenden fünfftzigstem gegenwürrff. der erstem articel halb.

Der neunvndvierzigtst vnd fünfftzigst gegenwürrff haben figuren. Darümb bedürffen sie etlicher auflegung.

**D**er neunvndvierzigtste gegenwürrff. des ersten articels halb. Das der herr ein ledigmacher ist. & gefangen. ist begriffen vnd bewert in der vor geenden fünffvndfünfftzigste figur. Auch wirt er begriffen vnd bewert. in dyser sechsvndfünfftzigstem figur. Da der herr das israhelisch volk erlediget vō dē gewalt des künigs pharaonis. vñ von dem herten langē dienst der egipcier. dauon steet geschriben exodi am viertzehendē capitel. Da der künig von egiptenland. den kindern von israhel. als den flüchtigen nach eylet. dz er sie wolt fahen. vnd wider vntter seynen gewalt. zu hertem dienst zwingem oder töten. vnd er ergreiff sie an einer gegendt. da sie weder hinder sich noch für sich mochten. von meeres vñ wüste. vnd feind wegen. Also das sie verzwey

felten. da sie den künig mit dem reissigē zeug. mit wagenburg vnd allem seinem heere sahen ober sie kummē. vñ schryen zu got vnd clagten. wider moysen. vnd forchten sich als die. dy yetz sterbē müsten. vnd nit entriemen möchtē. Da erhub sich der engel. der ynen vortient. in der gestalt des wolckens des tags. vñ in d gestalt einer feuren seilē des nachts von dē fordern ort da er ynen vortient. vnd stund zwischen sie. vnd das heer d egipcier. vnd was die seil gegē den kindern von israhel liecht. vnd an dem andern ort. gegen den von egipten finster. vnd hindert die von egipten. das sie die gantzenn nacht nit mochten zu den hebreyschen kummē. vnd die weil öffnet got der herr das meer. vnd entplöset den grund des meers. vñ derret den. vñ füret das israhelisch volk truckens fuh hindurch. Vnd da der künig von egipten mit seinem heer. hinnach eilet. da er trencket yne got der herre. mit allem seinem heer. Also machet er die iudē ledig von der gefengnus. von dem langem herten dienst. vō dem gewalt des grymigen wüttrichs. auch darnach hat er sie manig mal erlediget. vō den wüttrichen die sie peynigten vnd engsteten &c.